

Matvælaráðuneytið

Borgartúni 26

105 Reykjavík

Erindi: Sérreglur um úthlutun byggðakvóta fyrir Súðavíkurhrepp fiskveiðiárið 2023/2024.

Súðavíkurhreppur leggur til eftirfarandi sérreglur fyrir úthlutun byggðakvóta til skipa og báta í Súðavík fiskveiðiárið 2023/2024. Súðavíkurhreppur fékk úthlutað 60 tonn af byggðakvóta samkvæmt 5. gr. reglugerðar nr. 849/2023 um veiðar í atvinnuskyni fiskveiðiárið 2023/2024 og almanaksárið 2024 sbr. 4. gr. sömu reglugerðar. Eftirstöðvar fyrri ára eru 75 tonn. Til úthlutunar nú eru 135 tonn fyrir fiskveiðiárið 2023/2024 vegna eftirstöðva kvótastöðu og sbr. 5. gr. reglugerðar nr. 919/2021 um úthlutun byggðakvóta til byggðarlaga á fiskveiðiarinu 2023/2024. Eftirfarandi eru reglur Súðavíkurhrepps í töluliðum ásamt stafliðum, sjá meðfylgjandi greinargerð:

1. Skip og bátar sem geta fengið úthlutun byggðakvóta Súðavíkurhrepps: Skip og bátar með heimahöfn í Súðavík til og með 1. júlí 2023 koma til álita við úthlutun hafi gilt veiðileyfi og krókaflamark, frístundaveiða, kvóta eða leyfi til veiða á strandveiðum óháð veiðireynslu.
2. Öllum byggðakvóta og mótframlagi skal landað í Súðavíkurhöfn og ber að merkja sérstaklega byggðakvóta og tilkynna við löndun skv. áskilnaði í gildandi reglugerð um byggðakvóta og skal viðkomandi hafa gildan vinnslusamning. Heimilt verði skipum í flokki 5.c. (skip og bátar yfir 100 bl., sjá síðar í texta) í reglum þessum að landa sæbjúgum (holothuroidea) sem teljist til mótframlags byggðakvóta samkvæmt þeim stuðlum sem við eiga og þannig fallið frá viðmiðum um einungis bolfisk sem andlag byggðakvóta.
3. Krókaflamarksbátum sem uppfylla skilyrði sbr. 1. gr. verði heimilt að landa fiski í Súðavíkurhöfn til vinnslu án staðsetningar í undantekningartilvikum tímabilið 1. maí til 31. ágúst 2024. Það á einungis við komi til þess að útgerð geti ekki tekið á móti fiski s.s. þegar mikill afli berst að landi. Þau tilvik, sem teljast undantekningartilvik, hafi ekki áhrif til skerðingar varðandi mótframlag til byggðakvóta. Framangreint á einungis við strandveiðibáta / krókaflamarksbáta í flokki 5. b. Þrátt fyrir að vinnsla geti í undantekningartilvikum verið án staðsetningar er áfram skylt að landa afla til Súðavíkurhafnar.
4. Byggðarkvóta er úthlutað *“tonn á móti tonni”* sbr. skilgreiningu gildandi reglugerðar um byggðakvóta, við úthlutun þarf að leggja fram mótframlag á móti úthlutun innan fiskveiðisins.
5. Skipting byggðakvóta Súðavíkurhrepps fyrir fiskveiðiárið 1. september 2023 – 31. ágúst 2024, úthlutun auk eftirstöðva frá 2023, alls 135.000 kg:
 - a. Flokkur frístundabáta **65 þorskígildistonn** með heimild til að jafna milli báta innan sömu útgerðar án hámarks á hvern bát, eða samkvæmt þeim reglum sem um gilda.
 - b. Strandveiðibátar/krókaflamarksbátar **40 þorskígildistonn** eða hámark 10 tonn á bát.
 - c. Skip/báatar yfir 100 brl. fái úthlutað **30 þorskígildistonn**.


Greinargerð með sérreglum um byggðakvótaúthlutun og beiðni um undanþágu frá vinnslusamningi vegna löndunar til vinnslu án staðsetningar sbr. 3. gr. reglna Súðavíkurhrepps. Úthlutun byggðakvóta Súðavíkurhrepps 2023/2024.

Í Súðavík er Vestfiskur fyrirtæki þar sem unninn er harðfiskur og uppfyllir vinnslan því skilyrði vinnslusamningshafa. Vinnslan vinnur um 300 tonn til herslu og tekur á móti um 3-400 tonnum af þorski úr sjó. Vestfiskur er eina vinnslan í Súðavík sem getur tekið á móti fiski til vinnslu. Miklar sveiflur í afla sem berst að landi eru því fyrirtækinu erfiðar og örðugt að taka á móti öllum fiski sem berst að landi þegar best lætur. Í tölulíð 3 í sérreglum Súðavíkurhrepps er lagt til að í undantekningartilvikum sé strandveiðibátum / krókaflamarksbátum sem hafa vinnslusamning við Vestfisk heimilt að landa afla sínum í Súðavíkurhöfn og hann telji til framlags fyrir byggðakvóta þrátt fyrir að hann kunni að vera seldur áfram á markað og þannig til vinnslu annars staðar. Er þar sótt um að vinnsla afla geti verið án staðsetningar. Sl. ár hefur þetta verið kannski 3 daga yfir sumarið meðan strandveiðar eru. Er því óskað eftir því að við framlagningu sérreglna verði horft til þess að þetta verði heimilað og afli sem þannig er sendur til vinnslu annarsstaðar eða jafnvel boðinn upp á fiskmarkaði í þessum tilvikum teljist merkt framlag sem andlag til byggðakvóta. Einungis 4 strandveiðibátar/krókaflamarksbátar eru eftir í Súðavík sem þetta kann að varða og hafa þeir ekki fengið úthlutaðan byggðakvóta sem þeir hafa getað nýtt undanfarin ár. Þau tilvik þar sem útgerð (vinnslusamningshafi) hefur ekki getað tekið á móti afla frá þeim þrátt fyrir vinnslusamnings hafa valdið mikilli óánægju ofan í ágreining um fiskverð. Þrátt fyrir að þetta hafi aðeins verið um 3-4 dagar á fiskveiðiári hefur þetta valdið því að ekki hefur náðst saman um verkefnið, að semja um afla af strandveiði við vinnslu.

Fallist ráðuneytið ekki á þessi rök er óskað eftir því að þessi liður verði felldur út en tillaga Súðavíkurhrepps um skiptingu byggðakvóta og fyrirkomulag að öðru leyti haldi sér sem sérreglur / úthlutunarreglur fyrir byggðakvóta Súðavíkur fyrir fiskveiðiárið 2023/2024, miðað sé við skip og báta skráða í Súðavík til og með 1. júlí 2023 og óháð fyrri veiðireynslu.

Súðavík, 19. apríl 2024,

f.h. sveitarstjórnar Súðavíkurhrepps



Bragi Þór Thoroddsen – sveitarstjóri Súðavíkurhrepps